



Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvs I., Stephanvs IV., Adrianvs et Pseudopapa Constantinus miserunt& reges Francorvm, Carolvm Martellvm, ...

Gretser, Jacob

[München], 1613

Jtem exemplar Epistolæ eiusdem Papæ ad Domnum Regem Pippinum, per Flauinum Capellanum & Ioannem Subdiaconum & Abbatem, atq[ue] Paphilum Defensorem Regionarum sanctæ Ecclesiæ directa, in qua ...

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

*Item exemplar Epistola eiusdem Pape, ad
Domnum Regem Pippinum, per Flauinum Capellanum & Io-
annem Subdiaconum & Abbatem, atq; Pamphilum Defenso-
rem Regionarium sanctæ Ecclesiæ directæ, in qua continentur
gratiarum actiones, de ipsis Missis, qualiter vna cum
Missis imperialibus, honorificè suscepti
sunt & cætera.*

XX.

DOMNO excellentissimo filio, & nostro spiri- Summ. 226
tali Compatri Pippino Regi Francorum, & Bar. &
Patricio Romanorum, Paulus Papa. Cum Cept.
regalis potentia culmen plus fidei virtute, quam bel-
latorum armis videatur præsidio & fortitudine cir-
cumtegi, quid mirum, excellentissime & vere ortho-
doxe Regum, si studiorum vestrorum conatus, ad
protegendum Dei institutionem ac fidei Christiano-
rum censuram, impensius imminere non desistat, &
ob hoc & cælestis vobis victoria datur, & prospera à
redemptore nostro credite præcellentia vestra fore
largitura. Remeantibus siquidem ad nos Missis no-
stris, quos ad vestram præclaram Excellentiam dire-
ctos habuimus, Iohanne videlicet Subdiacono & Ab-
bate, atque Pamphilo Defensore Regionario, spirita-
lis Matris vestrae, sanctæ nostræ Ecclesiæ, vna cum ve-
stro Misso, Flagitio Cappellano, attulerunt nobis ho-
norabiles, & nimis desiderabilis Christianitatis tuæ li-
teras, quas cum nimio iocunditatis gaudio suscipien-
tes ac relegentes, protinus earum adsertio, tanquam
suauitatis flagrantia nos adficiens ac salutaris, proui-
dentia fomento medens lætos effecit.

O 3

Porro

Porro Christianissime Rex, amantissime fili, & spiritalis compater, innotuit benignitas vestra, qualiter nostri ac Imperatoris Missi à vobis suscepti sunt, & quemadmodum illis de singulis, quæ præclaro culmini vestro affati sunt, respondere studuistis, eos, pro amore fautoris vestri beati Petri, nequaquam suscipi, aut illis responderi adquiescentes absque nostrorum Missorum præsentia; sed & ipsi nostri legati, ea ipsa nobis retulerunt. Vnde licet nos ob tantam cordis vestri sinceram affluentiam, quam erga spiritalem matrem vestram, Dei Ecclesiam & nostram fragilitatem habere videmini, digna rependere non valemus, est tamen protector vester Dominus Deus noster, qui vos regnare iussit, & sanctam suam Ecclesiam ad defendendum vobis commisit, qui dignam præmiorum in præsentia ac futura vita, præcellentia vestra rependere potest remunerationem.

Itaque & litteras, quas vobis, simulationis ac illusionis causa ipsi imperiales Missi attulerunt, nobisque à vobis directas suscipientes, earum agnouimus seriem, & omnino in hoc benignitatis vestrae pia consideratio, exultationis lætitiâ nobis intulit, quia verè constat, non pro humano favore, sed pro Dei timore, ita vos peregrisse, sed & ea quæ præfati nostri Missi cum imperialibus Missis de obseruatione fidei orthodoxæ & pia patrum traditione, in vestri præsentia disputantes altercati sunt, nobis liquidius per eadem vestra scripta innotuistis, simulque & exemplar litterarum, quas præfato Imperatori direxistis, responsionis quippe modum & solutionem petitionum, de his, quæ ab eo vobis intimata sunt, nobis dirigere à Deo illustrata excellentia vestra annuit: verum etiam & quemadmodum,

dum, eisdem imperialibus Missis responsum reddidistis, & vnum ex eis *Anthi nempe Spatarium cum vestris Missis regiam direxistis Urbem, & alium, videlicet Synesium Eunuchum, apud vos detinuistis, simili modo nobis minutius intimastis, agnitisque omnibus à vobis, pro exaltatione sanctæ Dei Ecclesiæ, & fidei orthodoxæ defensione, peractis, latati sumus gaudio magno, & ita nobis placabilia existunt, sicut certè, non hoc humano consilio, sed Dei providentiæ intuitu vos talia egisse ac respondisse ambiguum non est. Vere enim, Domine Rex, fili Christianissime, & spiritualis Compater, spiritus Dei intimi cordis tui illustrat piam considerationem, & qui Spiritus sancti gratia redundat, non aliis, nisi quæ spiritalia sunt, exuberat, quoniam cor potentie vestræ in manu Dei consistens, in suo procul dubio illud inclinat beneplacito.

* forte, An-
timum seu
Anthyimio.

Direxistis si quidem nobis per eadem vestra scripta significantes, quod nulla suasionum blandimenta vel promissionū copia vos possit auellere, ab amore & fidei promissione, quam B. Petro, principi Apostolorum, & eius vicario, prædecessori & germano nostro sanctæ recordationis Domno Stephano Papæ, polliciti estis, sed in ea ipsa vos charitate & sponsionis fide fine tenus fore permanuros, & quidem nos, præcellentissime Regum, experimento comperimus & operibus comprobauimus, vos firma atque robustissima constantia, in ea ipsa sponsione in finem permanere, & in vobis confidimus, quod si vniuersi mundi thesaurorum copia in conspectu vestro offeratur ac tribuatur, nullo modo in aliam partem, vestram firmam, & à Deo impulsam mentem declinare inflectereq;

Et ereque valebit; quoniam vos omnipotens Dominus, praecunctis regibus saeculi, elegit, & in vobis complacuit, ut vestro certamine sancta vniuersalis DEI Romana Ecclesia, & caput omnium Ecclesiarum, ac firmamentum fidei Christianae ab inpugnatorum infidiis liberata extitisset, & illud, quod a constitutione saeculi, Dominus per vos perfici decreuit, ecce mirabiliter operatum est.

Vnde magnam post Deum in vestro regali culmine spei fiduciam habemus; quod perfectius ipsa sancta Dei Ecclesia atque haec miserrima, & afflicta prouinciola, a perfidia inimicorum liberetur, quia antiquus humani generis hostis non desinit inimicorum corda pulsare, ut suas iaculentur solite infidias, sed bone orthodoxe Rex, tuo solito certaminis praesidio, eorum cum Dei virtute, stude confringere malitiam; ut sancta Dei Ecclesia & populus eius peculiaris perfectius ab inimicorum sauitia liberetur, & merito suffragiis Apostolorum circumsepti, mercedis vobis in caelo repositam coronam consequi mereamini. Direximus itaque Excellentiae vestrae iuxta, ut intimastis, signum nostrum per praesentem Missum vestrum.

Interea & hoc innotescimus Christianitati vestrae, quod iam saepius nos petisse dinoscitur Tassilo Bauariorum Dux, ut nostros Missos ad vestram praecelaram Excellentiam dirigi annuissemus, ut ea inter vos prouenirent, quae pacis sunt. Vnde nos data occasione libentissime nostros missos, id est, Philippum, dilectum filium nostrum presbyterum, atque Ursum, nostrum etiam fidelem ad vestri praesentiam visi sumus direxisse, transacto Maio mense, eo videlicet modo,

modo, vt qualiter vestra fuisset voluntas, ita peragere debuissetis; & properantibus ipsis nostris Missis vsq; Ticinum, aduersa suspicione arreptus Desiderius, Langobardorum Rex, minimè eos permisit ad vestram à Deo conseruatam Excellentiam pertransire, tamen & easdem litteras, quas vobis dirigebamus, infra hæc nostra scripta Christianitati vestræ transmisi-
mus. Itaque & hoc à Deo protectæ Christianitati vestræ, aptum duximus intimandum. Quod relectis imperialibus litteris, vobisq; * defertis per præfatos An-^{* delatū.} tispatarium & Synesium Eunuchum, quas nobis ob earum seriem intuendam, pro amore B. Petri, fautoris vestri, dirigere dignati estis, reperimus in eis adnexum, quòd vestri ac nostri homines, qui ipsas imperiales syllabas, quæ vobis nobisq; directæ sunt vel diriguntur, interpretantur non iuxta, vt ibidem exaratum est, sed aliud pro alio falsè interpretari audent, & Missi, qui inter partes properant, non sicut illis iniungitur, sed acceptilationis præmio corrupti, alia pro aliis, deferunt, & in hoc perpendat vestra excellentia, quanta est inimicorum malitia; dum cõtra animas eorum, non quæ veritatis sunt, sed per hanc occasionis versutiam iniqua proferunt mendacia in id, quod nec suis nec vestris ac nostris credant Missis. Dum & vos satis facti estis de vestris hominibus, simili modo & nos de nostris, quod nullo modo hoc agere penitus præsumant.

Satisfaciat omnipotens Deus, qui cordis ac renum scrutator est, mellifluum cor excellentiæ vestræ, quod nequaquã nostrum quispiam, vt ipsi adserunt, talia agere perpetravit, sed in hoc vehementer idem Imperator irascitur, & occasionis versucias adhibet,

P

pro

pro eo, quod nequaquam filium ei prædicandum ob constitutionem sanctarum imaginum & fidei orthodoxæ, integritatem. Nam illud in ipsis suis apicibus adferunt, quod dilectus filius noster Christophorus primicerius & consiliarius, sine nostra auctoritate nobis quasi ignorantibus, suggestiones illas, quas sæpius ei direximus, fecisset, & alias pro aliis eius ac vestris Missis relegisset, & in hoc testem & iudicem proferimus Deum, quod ita nequaquam est. Nihil enim ipse noster consiliarius extra nostram voluntatem aliquando egit vel agere præsumpsit, quoniam nostri prædecessoris ac germani, Domini Stephani Papæ simul & noster sincerus atq; probatissimus fidelis extitit, & in omnibus existit, & satisfacti sumus de eius immaculata fide & firma cordis constantia, & ob hoc credimus, illud, quod nobis false profertur, non improperium, sed brauij corona nobis à Deo computatur, & idcirco vtriusq; nobis Dominus adiutor est, & nõ timebimus, quid nobis faciat homo. Habebim⁹ enim, post Deum, & clypeum protectionis, & arma virtutis, vestram à Deo illustratam præclaram excellentiam. At vero Christianitas vestra suos iubeat inquirere Missos, & in omnibus vos satis faciat; quoniam mendacium contra nos idem adseruit Imperator, eo quod eam direximus suggestionem, eis relegentes pariter cum ipsis, quæ direximus & confirmauimus, tamen & eius exemplar à nobis vobis directum apud vos habere videmini.

His præmissis, flexis poplitibus, vna cum vniuersa plebe Dei, polorum cælorum opificem Dominum Deum verum exoramus, vt vobis præsentis vitæ longæuitatem cum magna de hostibus victoria concedat,

etq;

&

& aeterna gaudia tam Excellentiae vestrae quamque
Christianissimae Reginae, filiae & spiritali nostrae com-
matri, amantissimae vestrae coniugi, atq; dulcissimis
natis excellentissimis Carolo & Carlomanno regibus
Francorum & Patriciis Romanorum largiri dignetur.
Incolumem Excellentiam vestram gratia superna cu-
stodiat.

*Item exemplar Epistola eiusdem Papae, ad
Domnum Pippinum Regem per Petrum presbyterum directa
in qua continetur * Abba sciatum Remedij Episcopi & * Au-
decarij Comitum, qualiter iustitias B. Petri Apostolorum prin-
cipis apud Desiderium, quondam Regem, ex parte rece-
perit, & reliquas iustitias faciendum
pollicitus est.*

* Legatio.
* Andega-
rij.

XXI.

DOMNO excellentissimo filio, & nostro spirita-
li compatri Pippino, Regi Francorum & Pa-
tricio Romanorum Paulus Papa. Quia excel-
lencia vestra merito bonorum operum, superno exa-
mine, fuerit comprobata, ipsis iam in manifesto reru
exhibitarum effectu demonstratum est; dum nimi-
rum, adepta de super diuinæ sapientiae participatione,
regalis fastigij scepra coelesti benedictione constet
* effectius promeruisse. Vnde cum sibi hanc ab omni-
potente Deo gratiam missam eximietas vestra non
ambigit, profecto ei placere, qui eam contulit, totis in-
tendit visibus, & pro eius, quam suo eruit, diuino nu-
tu, certamine, scilicet sanctae vniuersalis Ecclesiae & ex-
altationis vigore, decertare, non desistit, cordis sui ocu-
lis à Deo protegenda eximietas vestra, adhibens illa, q̄
sibi, pro huiusmodi laboris fructu, à B. Apostoloru

Summ. 29.
Bar. 6
Cent.

* efficacius.